

საქართველოს ეროვნული ბანკი

სატენდერო დოკუმენტაცია

შიფრაციის პროგრამული უზრუნველყოფის შესყიდვა ელექტრონული ტენდერის საშუალებით

(კლასიფიკატორის დანაყოფი 48700000)

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე.

ქ. თბილისი
2016 წელი

სარჩევი

ინსტრუქცია ელექტრონულ ტენდერში მონაწილეობის მისაღებად.....	3
1. ტენდერში მონაწილეობის უფლება.....	3
2. ტექნიკური დოკუმენტაცია.....	3
3. საკვალიფიკაციო მონაცემების დამადასტურებელი დოკუმენტები.....	4
4. შესყიდვის ობიექტის ტექნიკური მოთხოვნები	4
6. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:	6
სახელმწიფო შესყიდვების შესახებ ხელშეკრულების პროექტი.....	7
დანართი N1 (შესყიდვის ობიექტის მიწოდების გრაფიკი და გადახდის პირობები)	11
დანართი N2 (ფასების ცხრილი)	12

ინსტრუქცია

ელექტრონულ ტენდერში მონაწილეობის მისაღებად

1. ტენდერში მონაწილეობის უფლება

- 1.1 ტენდერში მონაწილეობის უფლება აქვს ყველა დაინტერესებულ იურიდიულ და ფიზიკურ პირს, რომელიც გაცნობილია და ეთანხმება „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნებს და არ არის შეყვანილი შესყიდვებში მონაწილე არაკეთილსინდისიერ პირთა რეესტრში („შავი სია“).

2. ტექნიკური დოკუმენტაცია

- 2.1 პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:
- a) 4.1. პუნქტით გათვალისწინებული მოთხოვნის დაკმაყოფილების დამადასტურებელი დოკუმენტის/სერტიფიკატის ასლი;
 - b) პრეტენდენტის სრული რეკვიზიტები (დასახელება, იურიდიული და ფაქტიური მისამართი, ხელმძღვანელის სახელი და გვარი, ტელეფონის ნომერი, ელ. ფოსტის მისამართი, საბანკო რეკვიზიტები);
 - c) ფასების ცხრილი დანართი N1-ში მოცემული ფორმით.
- 2.2 სახელმწიფო შესყიდვების ერთიან ელექტრონულ სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად ადასტურებს, რომ შესყიდვის განხორციელების მთელი პერიოდის განმავლობაში, იგი იმოქმედებს „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა შესაბამისად და გამოხატავს თანხმობას ხელშეკრულების პროექტის და ამ პუნქტის „ა“-„ჰ“ ქვეპუნქტებში განსაზღვრულ მოთხოვნებზე.
- a) სატენდერო წინადადებით შემოთავაზებული შესყიდვის ობიექტი სრულად უნდა შეესაბამებოდეს მე-4 პუნქტში მოცემულ ტექნიკურ მოთხოვნებს;
 - b) პრეტენდენტის მიერ წარმოდგენილი ტექნიკური დოკუმენტაციის თითოეული დოკუმენტი ხელმოწერილი უნდა იყოს უფლებამოსილი პირის მიერ და დამოწმებული ბეჭდით (მისი არსებობის შემთხვევაში).
 - c) ტექნიკური დოკუმენტაცია შეიძლება წარმოდგენილი იყოს, როგორც ქართულ, ისე უცხოურ ენაზე. დოკუმენტების უცხოურ ენაზე წარმოდგენის შემთხვევაში, მათ უნდა დაერთოს ნოტარიულად დამოწმებული თარგმანი ქართულ ენაზე.
 - d) შესყიდვის ობიექტის ღირებულების ანაზღაურება განხორციელდება დანართი N 1-ის შესაბამისად;
 - e) სატენდერო წინადადების ერთეულის და საერთო ფასები უნდა მოიცავდეს ამ ტენდერით გათვალისწინებული შესყიდვის ობიექტის სრულყოფილად მიწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას;
 - f) იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან მოითხოვს ფასწარმოქმნის ადეკვატურობის დასაბუთებას, რათა დადასტურდეს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების

შესრულების შესაძლებლობა. დასაბუთებას თან უნდა დაერთოს შემდეგი ინფორმაცია/დოკუმენტები:

- მიმწოდებლის ინვოისი ყველა ხარჯის გათვალისწინებით;
- ცნობა იმის შესახებ არის, თუ არა პრეტენდენტი დღგ-ს გადამხდელი.

გ) აღნიშნული დასაბუთების წარუდგენლობა ან შეუსაბამობა სატენდერო განცხადებასთან, სატენდერო დოკუმენტაციასთან ან/და სისტემის მეშვეობით პრეტენდენტის მიერ წარმოდგენილ ტექნიკურ დოკუმენტაციასთან, გამოიწვევს მის დისკვალიფიკაციას „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-13 მუხლის მე-2 პუნქტის „ა“ ქვეპუნქტის საფუძველზე;

h) პრეტენდენტს არა აქვს უფლება წარმოადგინოს ალტერნატიული წინადადება;

3. საკვალიფიკაციო მონაცემების დამადასტურებელი დოკუმენტები

3.1 საკვალიფიკაციო მონაცემების დამადასტურებელი დოკუმენტების წარმოდგენა პრეტენდენტს არ მოეთხოვება.

4. შესყიდვის ობიექტის ტექნიკური მოთხოვნები

შესყიდვის ობიექტი - შიფრაციის პროგრამული უზრუნველყოფის შესყიდვა თანმდევ დანერგვის სამუშაოებთან ერთად და მწარმოებლის შესაბამის 3 წლიან სტანდარტული მხარდაჭერის სერვისი, რომელიც განკუთვნილია პერსონალური კომპიუტერების მყარი დისკებზე, ქსელურად წვდომად მუშაობისას არსებული საქაღალდეებისა და ელექტრონული ფოსტის დაშიფვრისთვის და აკმაყოფილებს შემდეგ მოთხოვნებს:

მოთხოვნები მყარი დისკებისა და ქსელურად წვდომად მუშაობისას არსებული საქაღალდეების დაშიფვრის ნაწილში:
▪ დაშიფვრის ტექნოლოგია - AES;
▪ გასაღების სიგრძე - 256 bit Keys;
▪ აუთენტიფიკაციის შესაძლებლობები - Open PGP RFC 4880 Keys; X.509 Keys;
▪ ქსელურად წვდომად მუშაობისას არსებული საქაღალდის დაშიფვრა - ფაილ სერვერზე არსებული საქაღალდეების შიფრაციის საშუალება;
▪ ლოკალური ფაილების შიფრაცია - მომხმარებლის სისტემაში არსებული საქაღალდეების და ფაილების შიფრაცია;
▪ საქაღალდის დაშიფვრა მომხმარებელთა ჯგუფის გასაღებით - ჯგუფის ყველა წევრს უნდა შეეძლოს საქაღალდის გაშიფვრა, ახალ მომხმარებლებს, რომლებიც დაემატებიან ჯგუფს ავტომატურად უნდა მიეცეთ წვდომა დაშიფვრულ ფაილებზე;
▪ ფაილები უნდა იშიფრებოდეს ლოკალურად - დასაშიფრი ფაილები მომხმარებლის სისტემაშივე უნდა იშიფრებოდეს და ქსელში დაუშიფრავი სახით არ უნდა გადაადგილდებოდეს;
▪ დაშიფვრული და დაუშიფრავი საქაღალდეების კონფიგურირება - შესაძლებელი უნდა იყოს მენეჯმენტ სერვერიდან მიერთითოს საქაღალდეები, რომლებიც ავტომატურად იქნება დაშიფვრული, ასევე საქაღალდეები, რომლებშიც მოთავსებული ფაილები განიშიფრება;
▪ ფაილის გაშიფვრა - დირექტორიიდან ფაილის გადმოკოპირების შემდეგ ფაილი უნდა გაიშიფროს;

▪ სარეზერვო ასლები - საქალაქო დონეზე არსებული ფაილების სარეზერვო ასლები ინახება დამოუკიდებელი სახით;
▪ შიფრაცია ფაილის ტიპის მიხედვით - ავტომატურად უნდა იშიფრებოდეს წინასწარ დადგენილი ტიპის ფაილები;
▪ Whitelist - შესაძლებელი უნდა იყოს აპლიკაციების გაწერა, რომელთა შექმნილი ფაილები ავტომატურად დაიშიფრება, მიუხედავად მათი მდებარეობისა;
▪ Blacklist - უნდა იყოს შესაძლებელი გაიწეროს აპლიკაციების სია, რომლებსაც არ ექნებათ ფაილების გაშიფვრის უფლება, რათა არ მოხდეს მათი სისტემის გარეთ დაუშიფრავი სახით გატანა;
▪ მომხმარებელს უნდა შეეძლოს ფაილების გაშიფვრა მაშინაც, როცა არ აქვს კავშირი მენეჯმენტ სერვერთან;
▪ პროგრამულ უზრუნველყოფას უნდა გააჩნდეს თანმდევი 1 წლიანი სტანდარტული მხარდაჭერის სერვისი.

მოთხოვნები მეილების შიფრაციის ნაწილში
▪ End-to-end პრინციპზე დაფუძნებული პროგრამული უზრუნველყოფა - გადაწყვეტილება არ მოითხოვს სპეციფიურ ინფრასტრუქტურას ან დამატებით პროგრამულ უზრუნველყოფას კომუნიკაციის შუალედურ რგოლებში. პროგრამული უზრუნველყოფა საჭიროა მხოლოდ გამგზავნ და მიმღებ სისტემებზე;
▪ მეილების ავტომატური შიფრაცია, დეშიფრაცია, ციფრული ხელმოწერა და ხელმოწერის ვერიფიკაცია - ცენტრალურად განსაზღვრული პოლიტიკების შესაბამისად;
▪ Microsoft Outlook-ის პლაგინის დონის მხარდაჭერა - ფუნქციონალური ღილაკების თვითონ კლიენტში ინტეგრირება;
▪ დაშიფრული მეილის გაგზავნის ალტერნატიული მეთოდი - იმ შემთხვევაში თუ მიმღებ მხარეს არ გააჩნია დეშიფრაციის სპეციფიური პროგრამული უზრუნველყოფა, სისტემას უნდა შეეძლოს სპეციალური დაცული ვებ მეილის საშუალებით, მიაწოდოს დაშიფრული მეილი. ამ სისტემით მიმღებ მხარეს უნდა შეეძლოს როგორც დაშიფრული მეილის ნახვა, ასევე პასუხის მიწერა გამომგზავნი მხარისთვის;
▪ მხარდაჭერილი პროტოკოლები: POP3, IMAP, SMTP, MAPI, Lotus Notes;
▪ უსაფრთხოების სტანდარტები: PGP/MIME RFC 3156, OpenPGP RFC 4880, S/MIME v3 RFC 2633, X.509 v3;
▪ ჰეშირების ალგორითმები: SHA2, SHA1, MD5;
▪ ღია გასაღების ინფრასტრუქტურის ალგორითმები: Diffie-Hellman, RSA (4096 ბიტის განსაზღვრებით), DSA;
▪ მხარდაჭერილი მეილ კლიენტები: Microsoft Outlook® 2013, 2010, 2007, Apple Mail 5.x-7.x;
▪ მხარდაჭერილი მეილ სერვერი: Exchange®, Office® 365 Cloud Server.

ზოგადი მოთხოვნები
▪ არსებული შიფრაციის მენეჯმენტ სერვერთან ინტეგრაციის საშუალება - პროგრამული უზრუნველყოფა უნდა ინტეგრირდებოდეს არსებული შიფრაციის მენეჯმენტ სერვერთან, რათა ერთი სისტემიდან მოხდეს კლიენტ აპლიკაციების კონტროლი;

▪ ერთიანი კლიენტი - დისკების და მეილების შიფრაციისთვის მანქანაზე საჭირო უნდა იყოს მხოლოდ ერთი კლიენტის ინსტალირება. ასევე თითოეული ფუნქციონალის ჩართვა/გამორთვისთვის არ უნდა იყოს საჭირო სხვადასხვა კლიენტის ინსტალირება - ცენტრალურად, პოლიტიკაში ცვლილებით უნდა შეიძლებოდეს ამა თუ იმ ფუნქციის გააქტიურება.
▪ ცენტრალიზებული მართვის შესაძლებლობა - პროგრამული უზრუნველყოფის სრული მართვა, როგორც დისკების ისე მეილების შიფრაციის ვებ ტექნოლოგიაზე დაფუძნებული მართვის ცენტრალიზებული სერვერის საშუალებით;
▪ ცენტრალიზებული ლოგირება - პროგრამული უზრუნველყოფის კლიენტის მხარემ, უნდა გააგზავნოს მოქმედების ჩანაწერი (Log) სერვერის მხარეს;
▪ სერვისის მომხმარებლების უფლებების დეტალური კონტროლი - პროგრამული უზრუნველყოფის საშუალებით შესაძლებელი უნდა იყოს მომხმარებლების შექმნა და მათთვის შეზღუდული უფლებების მინიჭება, მაგ: დისკის დეშიფრაციის ერთჯერადი პაროლების გენერირება;
▪ სხვადასხვა ოპერაციული სისტემების მხარდაჭერის შესაძლებლობა - Windows XP / 7 / 8 / 8.1 / ; Apple Mac OS X10.8.4 / 10.8.5 / 10.9.0 - 10.9.2;
▪ პროგრამული უზრუნველყოფის მართვის სერვერის თავსებადობა ვირტუალური გარემოს - VMware 5.1 / 5.5;
▪ სერვისის მომხმარებლების და მომხმარებელთა ჯგუფების ინტეგრირება Active Directory-სთან;
▪ პროგრამული უზრუნველყოფა თავსებადი უნდა იყოს DLP სისტემასთან;

4.1 დანერგვის სამუშაოები ჩატარებული უნდა იყოს მწარმოებლის ტექნიკური სერტიფიკაციით აკრედიტირებული სპეციალისტის მიერ.

4.2 მომხმარებლების რაოდენობა: მყარი დისკისა და ქსელურად წვდომად მეხსიერებებზე არსებული საქალაქდების შიფრაციის 50 სამუშაო ადგილი და მეილების შიფრაციის 20 სამუშაო ადგილი;

4.3 პროგრამული უზრუნველყოფის მიწოდება და დანერგვა უნდა განხორციელდეს ხელშეკრულების გაფორმებიდან არაუგვიანეს 45 დღისა, შემდეგ თბილისი, სანაპიროს N2.

6. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:

სატენდერო კომისიის აპარატის წევრები:

ზურაბ ღონდაძე: ტელ: 2406 369; ელ.ფოსტა: zgongadze@nbg.gov.ge

ნიკოლოზ ჩუხრუკიძე: ტელ: 2406 398; ელ.ფოსტა: nchukhrukidze@nbg.gov.ge

შენიშვნებ:

1. სახელმწიფო შესყიდვების ელექტრონული სისტემის მომხმარებლის სახელმძღვანელო მოცემულია საიტზე: www.procurement.gov.ge;
2. სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანება „გამარტივებული ელექტრონული ტენდერისა და ელექტრონული ტენდერის ჩატარების წესის“ დამტკიცების შესახებ მოცემულია საიტზე: www.procurement.gov.ge;

სახელმწიფო შესყიდვების შესახებ ხელშეკრულების პროექტი

ხელშეკრულება N

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად.

ქ. თბილისი

2016 წელი

შემსყიდველი: ს.ს.ი.პ. „საქართველოს ეროვნული ბანკი“

მისამართი: თბილისი, 0114, სანაპიროს N2;

საიდენტიფიკაციო კოდი: 203 824 148.

მიმწოდებელი: _____

იურიდიული მისამართი: _____

ფაქტიური მისამართი: _____

საიდენტიფიკაციო კოდი: _____

საბანკო რეკვიზიტები: _____

ერთის მხრივ შემსყიდველი და მეორეს მხრივ, მიმწოდებელი „სახელმწიფო შესყიდვების შესახებ“ კანონის და მიმწოდებლის სატენდერო წინადადების საფუძველზე, ელექტრონული ტენდერის (სატენდერო განცხადება № SPA1600____) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულების საგანი

1.1. წინამდებარე ხელშეკრულების საგანს წარმოადგენს შიფრაციის პროგრამული უზრუნველყოფის შესყიდვა თანმდევ დანერგვის სამუშაოებით და მწარმოებლის შესაბამის 3 წლიან სტანდარტული მხარდაჭერის სერვისის (შემდგომში „შესყიდვის ობიექტი“) დანართში მოცემული ტექნიკური მოთხოვნების შესაბამისად (CPV კოდი – 48750000).

მუხლი 2. ხელშეკრულების შესრულების კონტროლი

2.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

2.2. ხელშეკრულების 2.1 პუნქტით გათვალისწინებულ კონტროლს შემსყიდველის მხრიდან განახორციელებს სებ-ის შესყიდვების და ლოჯისტიკის დეპარტამენტის უფროსი და/ან სებ-ის უსაფრთხოების დეპარტამენტის უფროსი.

2.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 3. შესყიდვის ობიექტის მიღება-ჩაბარების წესი

3.1. მიმწოდებელმა შესყიდვის ობიექტის შემსყიდველისათვის მიწოდება უნდა დანართ N1-ში

განსაზღვრული პირობების შესაბამისად, მისამართზე თბილისი, სანაპიროს ქ. 2..

3.2. შესყიდვის ობიექტი ან მისი ნაწილი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ შესაბამისი მიღება-ჩაბარების აქტის გაფორმების შემდეგ.

3.3. ფაქტიურად გაწეული მხარდაჭერის სერვისის მიღება-ჩაბარების აქტების გაფორმება მოხდება აღნიშნული სერვისის დაწყების თარიღის პირველ, მეორე და მე-3 წლისთვის.

3.4. შესყიდვის ობიექტის ან მისი ნაწილის მიღების შემდეგ ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

3.5. მიწოდებული შესყიდვის ობიექტის საბოლოო შემოწმების ადგილია საქართველოს ეროვნული ბანკის სათაო ოფისი: თბილისი, სანაპიროს N2.

3.6. შემსყიდველი ვალდებულია დროულად აცნობოს მიმწოდებელს საბოლოო შემოწმების შედეგები დაწუნებული შესყიდვის ობიექტის და წუნდების მიზეზის მითითებით.

3.7. შემსყიდველის მხრიდან 3.2 და 3.3 პუნქტებში აღნიშნული მიღება-ჩაბარების აქტების ხელმოწერი პირია სეზ-ის შესყიდვების და ლოჯისტიკის დეპარტამენტის უფროსი.

მუხლი 4. ხელშეკრულების ფასი და ანგარიშსწორების წესი

4.1. წინამდებარე ხელშეკრულებით გათვალისწინებული შესყიდვის ობიექტის საერთო ღირებულება შეადგენს _____ლარს („ხელშეკრულების ფასი“).

4.2. ხელშეკრულების ფასი მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

4.3. მიწოდებული შესყიდვის ობიექტის ღირებულების გადახდა ხორციელდება უნაღდო ანგარიშსწორების წესით.

4.4. ანგარიშსწორება ხორციელდება წინამდებარე ხელშეკრულების დანართი N 1-ში მოცემული პირობების შესაბამისად.

მუხლი 5. მხარეთა უფლება-მოვალეობები

5.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას მიწოდებული შესყიდვის ობიექტი.

5.2. შემსყიდველი ვალდებულია გადაუხადოს მიმწოდებელს ფაქტიურად მიწოდებული შესყიდვის ობიექტის ფასი ხელშეკრულებით გათვალისწინებული პირობების შესაბამისად.

5.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს შემსყიდველს ხელშეკრულებით გათვალისწინებული შესყიდვის ობიექტი.

5.4. მიმწოდებელს უფლება აქვს მიწოდებული შესყიდვის ობიექტის სანაცვლოდ მიიღოს ხელშეკრულებით გათვალისწინებული ფასი.

მუხლი 6. მხარეთა პასუხისმგებლობა ხელშეკრულების პირობების შეუსრულებლობისათვის

6.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის (ან არაჯეროვნად შესრულების) შემთხვევაში, შემსყიდველი უფლებამოსილია დააკისროს მას პირგასამტეხლო ხელშეკრულების ფასის 0,1%-ის ოდენობით, შეუსრულებელი ვალდებულების ყოველი დღისათვის.

6.2. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ გადაგადაცილებულ დღეზე გადასახდელი თანხის 0,1%-ის ოდენობით.

6.3. საჯარიმო სანქციების გადახდა არ ათავისუფლებს არც ერთ მხარეს ძირითადი ვალდებულებების შესრულებისაგან.

6.4. იმ შემთხვევაში, თუ საჯარიმო სანქციების ჯამური ოდენობა შეადგენს ხელშეკრულების ფასის 15%-ს მხარეები უფლებამოსილნი არიან ცალმხრივად გაწყვიტონ ხელშეკრულება.

მუხლი 7. ხელშეკრულებაში ცვლილების შეტანა და ხელშეკრულების შეწყვეტა

7.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

7.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

7.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

7.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

7.5. მხარე ვალდებულია 7.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

7.6. ხელშეკრულება ასევე შეიძლება შეწყდეს მხარეთა, ურთიერთშეთანხმების საფუძველზე.

მუხლი 8. დაუძლეველი ძალა

8.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

8.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

8.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

მუხლი 9. დავები და მათი გადაწყვეტის წესი

9.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

მუხლი 10. ხელშეკრულების მოქმედების ვადა

10.1 ხელშეკრულება ძალაში შედის ხელმოწერის დღიდან და მოქმედებს 2020 წლის 31 დეკემბრის ჩათვლით.

მუხლი 11. ზოგადი დებულებები

11.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

11.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

11.3. ხელშეკრულება შედგენილია ქართულ ენაზე, სამ თანაბარ იურიდიული ძალის მქონე

ეგზემპლარად (ერთი ეგზემპლარი მიმწოდებელს, ორი ეგზემპლარი შემსყიდველს).

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:

(უფლებამოსილი პირის სახელი,
გვარი, ხელმოწერა და თანამდებობა)

მიმწოდებლის მხრიდან:

(უფლებამოსილი პირის სახელი,
გვარი, ხელმოწერა და თანამდებობა)

შესყიდვის ობიექტის მიწოდების გრაფიკი და გადახდის პირობები

N	დასახელება	მიწოდების ვადა	გადახდის პირობა
1	პროგრამული უზრუნველყოფა - მყარი დისკისა და ქსელურად წვდომად მეხსიერებებზე არსებული საქაღალდეების შიფრაციის 50 სამუშაო ადგილი, თანმდევი 1 წლიანი სტანდარტული მხარდაჭერის სერვისით და დანერგვის სამუშაოებით	ხელშეკრულების გაფორმებიდან არაუგვიანეს 45 დღის განმავლობაში	1. ანგარიშსწორება შესყიდვის ობიექტის მიღებიდან და მიმწოდებლის მიერ სათანადო დოკუმენტაციის წარმოდგენიდან (იმისდამიხედვით რომელი უფრო გვიან მოხდება) არაუმეტეს 20 (ოცი) სამუშაო დღის განმავლობაში. 2. დასაშვებია შიფრაციის პროგრამული უზრუნველყოფის ფასის წინასწარ გადახდა არაუმეტეს 50%-ის ოდენობით, მიმწოდებლის მიერ საბანკო გარანტიის წარმოდგენის პირობით. საბანკო გარანტია უნდა იყოს გადასახდელი ავანსის ექვივალენტურ თანხაზე და მისი მოქმედების ვადა 30 (ოცდაათი) დღით უნდა აღემატებოდეს შიფრაციის პროგრამული უზრუნველყოფის მიწოდების ბოლო ვადას.
2	პროგრამული უზრუნველყოფა - მეილების შიფრაციის 20 სამუშაო ადგილი თანმდევი დანერგვის სამუშაოებით		
3	მყარი დისკისა და ქსელურად წვდომად მეხსიერებებზე არსებული საქაღალდეების შიფრაციის პროგრამული უზრუნველყოფის 3-წლიანი მხარდაჭერის სერვისი	3 წელი თანმდევი 1-წლიანი სტანდარტული მხარდაჭერის დასრულებიდან	ყოველწლიურად, არაუგვიანეს 20 სამუშაო დღისა, შესაბამის წელს მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან (იმისდამიხედვით რომელიც უფრო გვიან იქნება).

შემსყიდველის მხრიდან:

(უფლებამოსილი პირის სახელი, გვარი, ხელმოწერა და თანამდებობა)

მიმწოდებლის მხრიდან:

(უფლებამოსილი პირის სახელი, გვარი, ხელმოწერა და თანამდებობა)

ფასების ცხრილი

N	დასახელება, მწარმოებელი და ტექნიკური პარამეტრები	რაოდენობა	ერთეულის ფასი (ლარებში)	საერთო ფასი (ლარებში)
1	პროგრამული უზრუნველყოფა - მყარი დისკისა და ქსელურად წვდომად მეხსიერებებზე არსებული საქაღალდეების შიფრაციის 50 სამუშაო ადგილი, თანმდევი 1 წლიანი სტანდარტული მხარდაჭერის სერვისით და დანერგვის სამუშაოებით	50 ცალი		
2	პროგრამული უზრუნველყოფა -მეილების შიფრაციის 20 სამუშაო ადგილი თანმდევი დანერგვის სამუშაოებით	20 ცალი		
3	მყარი დისკისა და ქსელურად წვდომად მეხსიერებებზე არსებული საქაღალდეების შიფრაციის პროგრამული უზრუნველყოფის 3-წლიანი მხარდაჭერის სერვისი შემდგომი	3 წელი თანმდევი 1-წლიანი სტანდარტული მხარდაჭერის დასრულებიდან		
	ჯამი			

შენიშვნა: ფასები მოიცავს შესყიდვის ობიექტის სათანადოდ მიწოდებისათვის აუცილებელ ყველა ხარჯს და კანონმდებლობით გათვალისწინებულ ყველა გადასახადს.

(პრეტენდენტის დასახელება)

(უფლებამოსილი პირის სახელი, გვარი)

(უფლებამოსილი პირის თანამდებობა)

(უფლებამოსილი პირის ხელმოწერა)

ბ. ა.